

ՔԵԹԻԻ ԿԻԿԼՈՊՅԱՆ ԱՄՐՈՑԸ

ԼԵՎՈՆ ՊԵՏՐՈՍՅԱՆ

Քեթիի կիկլոպյան ամրոցը գտնվում է համանուն գյուղից 2 կմ հյուսիս-արևմուտք, ծովի մակերևույթից 2000 մ բարձրության վրա: Այն տեղագրված է Շիրակի լեռնաշղթայի «Սղնախներ» կոչվող երկու բարձունքների զագաթներից, որոնք շրջապատի նկատմամբ ունեն գերիշխող դիրք (նկ. 1)¹:

Հարավ-արևելյան ամրաշինությունը փոքր է, զբաղեցնում է 600 ֆառ մ տարածություն և մյուսից բաժանվում է թամբաձև գոգավորությամբ: Հյուսիս-արևմտյանը՝ միջնաբերդը, ավելի մեծ է և զբաղեցնում է 1,2 հեկտար տարածություն: Այն պարսպապատված է և ունի բլրի եզրագծին համապատասխան հատակագիծ: Գլխավոր մուտքի մոտ պարիսպը ամրացված է երկու քառանկյունի փոքր աշտարակներով: Բարձունքի հյուսիսային և հյուսիս-արևելյան կողմերում կան չորս շարք դարավանդապատեր, որոնք պաշտպանել են բարձունքի լանջերը: Նման երկու շարք դարավանդապատեր նկատվում են և հարավ-արևմտյան լանջերին (նկ. 1): Հարավ-արևելյան ամրաշինության հյուսիսային կողմից սկսվող և նույն ուղղությամբ ձգվող պարիսպը միաշար է ու դրված է թեք լանջերին կառուցված հարթակների վրա: Այն ունի մոտ 110 մ երկարություն: Չնայած այլ հատվածներում դրա մնացորդները չեն պահպանվել, սակայն, տեղանքից ելնելով, կարելի է ենթադրել, որ ամրոցը զբաղեցրել է շուրջ 7 հեկտար տարածություն, որի ներսում գտնվել են վերոհիշյալ երկու ամրաշինությունները: Նման պարսպի առկայությունը ցույց է տալիս, որ այս երկու ամրաշինությունները ներառված են եղել մի ընդհանուր համալիրի մեջ:


Միջնաբերդն առավել լավ պաշտպանված կառույց է: Բացի նշված պարսպից և դարավանդների վրա կառուցված պաշտպանական համակարգից, այն ունի նաև առանձին հատվածներում ներս և դուրս ընկած մասեր և կեղծ աշտարակներով պարիսպ, որը շարված է արանքները մանր քարերով լցված բնական որձաքարի երկու շարքով: Պարսպի լայնությունն է 1,8 մ (երբեմն հասնում է 4 մետրի) և կառուցված է լեռան զագաթի եզրագծով, որն առանձին հատվածներում կցված է անմատչելի ժայռերին: Միջնաբերդն ունի երկու մուտք: Առաջինը գտնվում է պարսպի հյուսիս-արևմուտքում և երկու կողմերից պաշտպանված է խոշոր որմահերցերով, որոնք ունեն 4—7 մ երկարություն և 1 մ լայնություն: Միջնաբերդի պաշտպանական համալիրը լրացուցիչ ամրացված է մուտքից 12 մ հեռավորությամբ կառուցված անկյունաձև և մուտքից 20 մ հեռավորության վրա գտնվող 60 մ երկարությամբ հյուսիսից-հարավ ձգվող խուլ պատով: Սրանց ներառած տարածությունները կատարել են «քարե պարկի» դեր, որը թշնամին ներխուժելու դեպքում հանդիպում էր խուլ պատերի և չորս կողմից ընկնում հարվածի տակ: Ամրաշինական այս հնարքը տարածված էր Հայաստանի ուշ բրոնզի և երկաթի ժամանակաշրջանի², ինչպես նաև՝ ուրարտական³ ամրոցներում: Երկրորդ մուտքը գտնվում է միջնաբերդի արևմտյան պարսպի հարավային հատվածում և ունի 2 մ լայնություն:

¹ Քեթիի ամրոցի և բնակատեղիների չափազորությունները կատարել է ճարտարապետ Կ. Կ. Ղաֆադարյանը:

² С. А. Есаян, Древняя культура племен северо-восточной Армении, Ереван, 1976, с. 115 и сл.

³ А. А. Мартиросян, Аргштитхнии, Ереван, 1974, рис. 11.

Այն ներսի կողմից պաշտպանված է 17 մ երկարությամբ երկու զուգահեռ պատերով, որոնք, հավանաբար, նույն «քարե պարկի» դերն են կատարել: Այսպիսի դռներ-«միջանցքներ» հանդիպում են հյուսիս-արևելյան Հայաստանի նշված ժամանակաշրջանի մի շարք ամրոցներում, որոնք կառուցված են պարսպի արտաքին կողմում, երբեմն էլ ներսում⁴: Միջնաբերդում և պահակային ամրոցում պահպանվել են բազմաթիվ ուղղանկյունաձև կացարանների հետքեր, իսկ դրանց միջև եղած տարածությունում այդպիսիք բացակայում են:



Նկ. 1

Մեր կարծիքով, դա բացատրվում է տեղանքի խիստ թեքությամբ, որը հնարավորություն չի տվել շինություններ կառուցելու: Այս տարածքը, հավանաբար, պատերազմների ժամանակ եղել է շրջակայքի բնակիչների և կենդանիների պատսպարան:

Քեթիի ամրոցն իր ձևերով և շինարարական տեխնիկայով նման է Շիրակի մի շարք ամրոցներին, ինչպիսիք են՝ Փոքր բերդի և Գառնահովտի մ. թ. ա. XIII—X դդ. ամրոցները, Սառնաղբյուր, Լեռնակերտ գյուղերի շրջակայքում գտնվող մ. թ. ա. XVIII—XV դդ. թվագրվող, Շրեշբլուր, Մեծ բերդ, Վերի բերդ և Վարի բերդ կոչվող ամրոցները⁵ և այլն: Ըստ ճարտարապետ Կ. Կ. Ղա-

⁴ С. А. Есаян, նշվ. աշխ., էջ 15.

⁵ Կ. Կ. Ղաֆադարյան, Դիտողություններ ուրարտական ամրաշինության վերաբերյալ (օՊատմա-բանասիրական հանդես» (այսուհետև՝ ՊՐՀ), 1972, № 1, էջ 133):

Ֆադարյանի դասակարգման, վերոհիշյալ ամրոցների պարիսպները ներկայացնում են Հայկական լեռնաշխարհի ամրաշինական կառույցների զարգացման երկրորդ փուլը և լայն տարածում են գտել սկսած մ. թ. ա. XVIII դ.⁶ Քեթիի կիկլոպյան ամրոցը սերտ աղերսներ ունի նաև Սևանի ավազանի⁷ և Հայաստանի հյուսիս-արևելյան շրջանների բազմաթիվ ամրոցների⁸ հետ, որոնց հատուկ են մինչև լարտական ամրաշինության առանձնահատկությունները:

Քեթիի կիկլոպյան ամրոց-բնակատեղիի ժամանակագրական պատկանելության, ճարտարապետական հատկագծային առանձնահատկությունների, նյութական մշակույթի, ուղղահայաց և տարածական սփռվածության սահմանների որոշման նպատակով նրա տարածքն ուսումնասիրվեց ոչ մեծ ծավալի պեղումների և ստուգողական փոստրակների միջոցով: Միջնաբերդի կենտրոնական մասում պեղումների համար ընտրվեց շուրջ 200 ֆառ. մ մակերես, որտեղ բացվեց 0,3—1,8 մ հզորությամբ մշակութային շերտով 7 կացարան, կացարաններից առաջին երեքը միմյանց հետ հաղորդակցվում են դռան բացվածքներով և կազմում են մի բնակելի համալիր, իսկ մյուս երեքը (№ 4—7-ը) առանձին քառակուսանման շինություններ են: № 1 և 4 կացարանների արևելյան պատերը, տեղանքի պատճառով, կոր են: № 1 կացարանը զբաղեցնում է 44 ֆառ. մ մակերես, որի պատերը շարված են ճեղքված, անմշակ որձաքարերով և ավազաքարերով ու ծեփված են հաստ կավածեփով: Հարավային և արևմտյան պատերը արտաքուստ հենված են արհեստական կտրվածքներին: Հատակը կավածեփ է, որի տակ, հարթեցման նպատակով, քարալիցք է արված: Այս կացարանի արևելյան և հյուսիսային պատերի մեջ կան մուտքեր, որոնցով այն կապվում է № 2 և № 3 կացարանների հետ: Մուտքերից արևելյանն ունի 0,8, իսկ հյուսիսայինը՝ 0,9 մ լայնություն: № 1 կացարանի հարավ-արևմուտյան պատին կից կառուցված է 2,3 մ երկարությամբ, 1,2 մ լայնությամբ տուֆ քարերով շարված հարթակ (պաշտամունքային անկյուն), որի փլատակներից գտնվեց կուռքանման խիստ քայքայված մի քար: Հարթակից հյուսիս, արևմուտյան պատի դիմաց, բացվեց 0,4 մ լայնությամբ և 0, 3 մ բարձրությամբ քարաշար նստարան, իսկ հյուսիսային պատի դիմաց՝ քարաշեն օջախ: Վերջինիս մոտ հայտնաբերվեցին սաջերի բեկորներ և որձաքարե մեկ սալ, որի վրա ակնառու դիտվում են կրակի վրա երկար դրվելու հետքեր: Բացի վերոհիշյալներից, կացարանի կենտրոնական մասում դրված էր ավազաքարից պատրաստված, 0,7 մ բարձրությամբ, հղկած իրանով երկարավուն քար (կուռք): Այս կացարանի պաշտամունքային անկյան նմանակները բացվել են Հայրիվանքի մ. թ. ա. IX—VIII դդ. թվագրվող հուշարձանում⁹, Թեյշեբանիում¹⁰, Օշականում¹¹ և Արգիշտիխինիլիի քաղաքային թաղամասի բազմաթիվ տեղերում¹²: Նստարանի զուգահեռները առկա են Շիրակավանի ինչպես վաղ բրոնզեդարյան, այնպես էլ մ. թ. ա. I հազարամյակի կացարաններում¹³, Արգիշտի-

⁶ Նույն տեղում:

⁷ Գ. Հ. Միքայելյան, Սևանի ավազանի կիկլոպյան ամրոցները, Երևան, 1969:

⁸ Ե. Ս. Չիլինգարյան, Նոյեմբերյանի շրջանի կիկլոպյան կառույցները (ՊՔՀ, 1968, № 1, էջ 221 և հաջ.), Շ. Есаян, Г. Микаелян, О некоторых циклопических крепостях Ноемберяна (ՊՔՀ, 1972, № 1, էջ 269—276; Շ. А. Есаян, Древняя культура племен..., с. 15—99:

⁹ Պեղումները՝ Հ. Մնացականյանի (հրատարակված նյութեր):

¹⁰ А. А. Мартиросян, Город Тейшебаани, Ереван, 1961, с. 13:

¹¹ Ս. Ա. Շալայան, Օշականի պալատի պեղումները և տնային պաշտամունքի մի քանի ձևերի մասին (ՀՍՍՀ-ում 1978—1980 թթ. դաշտային հնագիտական աշխատանքների արդյունքներին նվիրված գեկուցումների թեզիսներ, Երևան, 1981, էջ 9—10):

¹² Պեղումները՝ Հ. Մարտիրոսյանի (հրատարակված նյութեր):

¹³ Պեղումները՝ Ռ. Թորոսյանի, Օ. Խնկիկյանի, Լ. Պետրոսյանի (հրատարակված նյութեր):

խինիլիի քաղաքային թաղամասի բնակելի տներում¹⁴, Օշականում¹⁵ և այլուր: Ինչ վերաբերում է № 1 կացարանի կուռքանման քարին, ապա դա, հավանաբար, խորհրդանշել է պտղաբերության գաղափարը, որը բնորոշ է Հայաստանի նախնադարյան բնապաշտների հավատալիքներին: Օշականում օջախների, հացահատիկի հորերի, կարասների մոտ ու սրբազան անկյուններում հայտնաբերված քարե բազմաթիվ կուռքերը ճանաչված են որպես արևի, պտղաբերության և տնային օջախի պաշտամունքի հետ կապվող սյուն-քարեր¹⁶: Նման քարե կուռքեր են հայտնաբերվել և Թազաքենդում¹⁷ և Արգիշտիխինիլիում¹⁸: Քեթիում ծխական անկյունների առկայությունը ցույց է տալիս, որ դրանք պատկանում են Հայաստանի վերը նշված վայրերում բացված սրբարանների թվին:

№ 1 կացարանում հայտնաբերվեցին նաև որձաքարից պատրաստված նավակաձև աղորիքներ, վանակատի ցեպներ, մանգաղի կայծքարե ներդիրներ, աուֆե ծանրոց կախիկ, գետաքարից սրոց, կոկիչներ, հավանգի բեկոր, սանդեր, սանդակոթեր, տրորիչներ, հենակ, ոսկրե նետասլաքներ, իլիկի գլուխ և մեծ քանակությամբ սև ու գորշ գծազարդ, ալիքազարդ, հատիկազարդ կճուճների, քրեղանների ու թասերի բեկորներ:

№ 2 կացարանը գտնվում է № 1-ի հյուսիսային կողմում և միմյանցից յաժմանված են 0,5 մ հաստությամբ միաշար պատով: Սրա արևմտյան պատը ևս դրսի կողմից հենված է արհեստական կտրվածքին: Կացարանը բացված է կիսով չափ: Այստեղ մշակութային շերտի հզորությունը հասնում է 1,8 մ-ի, որտեղից հայտնաբերվել են վանակատի ցեպներ, մանգաղի կայծքարե ներդիր և կճուճների ու թասերի բեկորներ:

№ 3 կացարանը գտնվում է № 1-ի արևելյան կողմում: Այս երկու կացարանները, ինչպես նշվեց, միմյանց հետ կապված են 0,8 մ լայնությամբ դռան բացվածքով: 3-րդ կացարանի պատերը շարված են բնական որձաքարի երկու շարքով, որոնց միջև լցված է հողի լիցք: Հատակագիծը քառանկյունաձև է, որի անկյունները քիչ կտրացված են: Պահպանվել են միայն պատերի հիմնամասերը: Նյութական մշակութային նմուշներով սակավ հագեցված 0,3 մ շերտը հեռացնելուց հետո, արևելյան պատի երկարությամբ, բացվեց 0,4 մ լայնությամբ քարաշար նստարան: Այս կացարանից հայտնաբերվեցին միայն կըճուճների և քրեղանների բեկորներ:

№ 4 կացարանը գտնվում է նախորդի հյուսիսային կողմում և կից է №1-ի արևելյան պատին: Սա իր հատակագծային հորինվածքով և կառուցողական ձևերով նման է նախորդին, այն տարբերությամբ, որ սրա հյուսիսային և հարավային պատերն ավելի հաստ են (1,2 մ): Այստեղ ևս պահպանվել են միայն պատերի հիմնամասերը, որոնք լցված են մեծ քարաբեկորներով: Կացարանի ներսում, 0,3 մ հզորությամբ շերտից, հայտնաբերվեցին միայն խեցեղենի սակավաթիվ բեկորներ: № 4 կացարանը դռան բացվածքով միացած չէ համալիրին և առանձին շինություն է:

№ 5 կացարանը գտնվում է № 4-ից 18 մ հյուսիս և զբաղեցնում է 29,16 1առ. մ մակերես: Սրա երեք պատերը շարված են անմշակ որձաքարերի երկու շարքով, որոնց միջև լցված է հողե լիցք, իսկ հյուսիսայինը՝ հենված է արհեստական կտրվածքին, որի հաստությունը արևմտյան հատվածում 1 մ է: Դռան բացվածքը հարավային պատի արևելյան անկյունամասում է և ունի 1 մ լայնություն: Քառանկյունաձև հատակագծով կացարանի հատակը բնական ավազաքարի շերտի վրա դրված սալիկներից է: Այստեղ ևս, ինչպես № 1 կացարանում, հյուսիսային պատի դիմաց բացվեց 45 սմ բարձրությամբ, 65 սմ լայ-

14 Պեղումները՝ Ռ. Թորոսյանի (չհրատարակված նյութեր):

15 Պեղումները՝ Ս. Ծալանի (չհրատարակված նյութեր):

16 Ս. Ա. Ծալան, նշվ. թեզիսներ, էջ 9-10:

17 Ս. А. Еса ян, Ереван, 1964, с. 40.

18 Պեղումները՝ Արգիշտիխինիլի հնագիտական արշավախմբի (չհրատարակված նյութեր):

նությամբ քարաշար նստարան: № 5 կացարանի մշակութային շերտն ունի 0,55—1 մ հզորություն, որտեղից հայտնաբերվեցին գորշ փայլեցված ու հասարակ խեցանոթների բեկորներ, սանդեր, սանդակոթներ, տրորիչներ և կենդանիների ոսկորների մնացորդներ:

№ 6 կացարանը գտնվում է № 5-ի հյուսիսային կողմում: 21,5 ֆառ. մ զբաղեցնող այս կացարանի երեք պատերը շարված են ճիշտ նախորդի նման և ունեն 1 մ հաստություն, իսկ հյուսիսայինը՝ հենված է բնական կտրվածքին: Այստեղ ևս դռան 1 մ լայնությամբ բացվածքը հարավային պատի արևելյան անկյունամասում է: 20 սմ հաստությամբ կավածեփ հատակը բնական ավազաքարի շերտի վրա է: Քառանկյունաձև հատակագծով այս կացարանի հյուսիս-արևմտյան անկյունում բացվեց 56×56 սմ² մակերեսով քարաշեն օշախ, որի մոտից գտնվեցին կավաշեն սաշերի բեկորներ: Մշակութային շերտի հաստությունը 1—1,2 մ է, որտեղից գտնվեցին գորշ փայլեցված և հասարակ, տարատեսակ խեցանոթների բեկորներ, աղորիքներ, քարե նետասլաք ու կենդանիների ոսկորների մնացորդներ:

№ 7 կացարանը գտնվում է № 6-ի արևմտյան կողմում, Սրա արևելյան պատը կիսով չափ կից է նախորդի արևմտյան պատին: 12 ֆառ. մ մակերեսով, քառանկյունաձև հատակագծով կացարանի պատերը շարված են ճիշտ նախորդների նման: Այստեղ ևս դռան բացվածքը հարավային պատի արևելյան անկյունամասում է և ունի 0,7 մ լայնություն: Կացարանի 20 սմ հաստությամբ կավածեփ հատակը բնական ավազաքարի շերտի վրա է: Հատակի կենտրոնական մասում բացվեց քարաշեն (50×50 սմ) օշախ: Այս կացարանի մշակութային շերտի հզորությունը հասնում է 1մ-ի, որտեղից գտնվեցին սակավաթիվ խեցանոթների բեկորներ և կենդանիների ոսկորների մնացորդներ: Այսպիսով, Քեթիի ամրոց-բնակատեղիի պեղումներով հայտնաբերվեցին աշխատանքային գործիքներ, ղենքեր, առօրյա կենցաղում օգտագործված խեցեղեն և այլ առարկաներ: Աշխատանքային գործիքները հիմնականում երկրագործության, հացահատիկային մթերքների մշակման, մանածագործության ու կաշեգործության բնագավառներում օգտագործված քարե և ոսկրե իրեր են: Մանգաղների ներդիրները պատրաստված են կալծքարից և ունեն քառանկյան տեսք (աղ. 1, նկ. 8, 12, 13): Մակերեսները մշակված են հարթ հարդարմամբ, իսկ բանող մասերին, սեղմման եղանակով, տրված է ատամնավոր տեսք: Նշենք, որ երկաթի դարաշրջանում, չնայած մետաղե մանգաղների լայն տարածմանը, դրանց զուգահեռ օգտագործվել են հնուց ավանդաբար եկող քարե նմուշները: Դրանք հայտնի են Սևանի ավազանի հուշարձաններից¹⁹, Նոյեմբերյանից²⁰, Խրտանոցից²¹ և այլ վայրերից: Հայաստանի հյուսիս-արևելյան շրջանների հուշարձաններից (Թմբաղի, Պիլոր-պատ, Սևսե քարի թախտ, Բերդատեղ)²² հայտնաբերված նմուշները վկայում են, որ բաղադրյալ մանգաղները հարատևել են մինչև մ. թ. ա. I հազարամյակի կեսերը: Այդ է վկայում նաև Քեթիի ամրոցի № 1 կացարանից հայտնաբերված, գետաքարից պատրաստված կոնաձև սրաքարը (աղ. 1, նկ. 21):


«Սղնախների» հնավայրից հայտնաբերված քարե գործիքների ժողովածուում հետաքրքիր խումբ են կազմում հացահատիկային մթերքների մշակման նպատակներին ծառայող գործիքները՝ աղորիքները, սանդերը, սանդակոթները և տրորիչները: Նավակաձև աղորիքները պատրաստված են ծակոտկեն որձաքարից (աղ. 1, նկ. 5, 6, 9, 10): Սանդերը նույնպես նշված քարատեսակից են և ունեն գնդի տեսք (աղ. 1, նկ. 11, 14): Սանդակոթները պատրաստված են գետաքարից և գլանաձև են (աղ. 1, նկ. 20), իսկ նույն գետաքարից տրորիչ-

¹⁹ Б. Б. Пнотровский, Кармир-блур, 1, Ереван, 1950, с. 27—31.

²⁰ Т. С. Хачатрян, Орудия труда эпохи поздней бронзы и раннего железа («Հայաստանի պատմության պետական թանգարանի աշխատություններ», հ. 5, Երևան, 1959, էջ 209):

²¹ А. А. Мартиросян, Раскопки в Головино, Ереван, 1954, с. 96.

²² С. А. Есаян, Древнейшая культура племен..., с. 164.



ներն ունեն կլորացող անկյուններով երկարով քառանկյունու տեսք (աղ. 1, նկ. 17, 18, 19): Ներկայացված գործիքները Քեթիում միշտ հանդես են գալիս միասին, որոնց բազմաթիվ զուգահեռները հայտնի են Շիրակավանում²³, Դվինում²⁴, Կարմիր բլուրում²⁵, հյուսիս-արևելյան Հայաստանի Պոպղոզգաշ հնավայրերում²⁶ և բազմաթիվ այլ հուշարձաններում:

²³ Պեղումները՝ Ռ. Քորոսյանի, Օ. Խնկրկյանի, Լ. Պետրոսյանի (շահատարակված նյութեր):

²⁴ К. Х. Кушнарева, Древнейшие памятники Двина, Ереван, 1977, с. 35, рис. 53.

²⁵ А. А. Мартиросян, Армения в эпоху бронзы и раннего железа, Ереван, 1964, табл. XVIII.

²⁶ С. А. Есаян, նշվ. աշխ., էջ 38, աղ. 25:

Այս առումով կարևոր են խեցեգործական արտադրանքի նմուշները՝ տարատեսակ մեծ և փոքր խորը թասերը, քրեղանները, կճուճները, գավաթները: Թասերն ունեն ուղղահայաց կողեր, մոխրագույն փայլեցված մակերես: Դրանք զարդարված են միաշար կամ բազմաշար ներճկված գծերով, երբեմն ակոսներով (աղ. 1, նկ. 26, 27, 28): Նման մի թաս էլ հայտնաբերվել է Քեթիկի № 40 դամբարանից: Ներկայացվող թասերի զուգահեռները հայտնի են Հայաստանի վաղ երկաթի ժամանակաշրջանով թվագրվող մի շարք հուշարձաններից՝ Արթիկից³⁷, Շիրակավանի բնակատեղիից և համաժամանակյա դամբարաններին³⁸, Կարմիր բլուրի նախաուրարտական շերտից³⁹, Թազաքենդից⁴⁰ և Մեծամորի № 1 դամբարանից⁴¹: Թաս-քրեղաններն ունեն սև և գորշ արտաքին, թույլ, երբեմն անփայլ, խամրած մակերես, կիսազնդաձև իրան, դեպի դուրս ճկված շուրթ, իրանի ուսերը զարդարված են հորիզոնական ակոսներով (աղ. 1, նկ. 29, 30, 31): Դրանցից մեկի (աղ. 1, նկ. 29) իրանի ստորին մասը զարդարված է փայլեցմամբ արված ուղղահայաց հոծ գծերով: Մեծ թվով նման քրեղաններ են հայտնաբերվել և Քեթիկի դամբարանադաշտի № 33, 34, 35 և 36 դամբարաններից: Ուսումնասիրվող քրեղաններն իրենց ձևերով և զարդանախշման եղանակներով սերտորեն առնչվելով ուշ բրոնզեդարյան քրեղանների հետ, միևնույն ժամանակ, դրանցից տարբերվում են արտաքին ավելի հասարակ՝ գորշ տեսքով և ակոսազարդերի գերակշռությամբ: Այս քրեղաններն իրենց բազմաթիվ զուգահեռներն ունեն Արթիկի մ. թ. ա. X—IX դդ. թվագրվող № 208, 209, 212, 294, 295 դամբարաններում⁴² ու Շիրակավանի բնակատեղիի վաղ երկաթի ժամանակաշրջանով թվագրվող շերտում և դամբարաններում⁴³, Նույնաձև քրեղանների հայտնաբերվել են Դիլիջանի ջրամբարի տարածքում պեղված մ. թ. ա. II հազարամյակի վերջով, I հազարամյակի սկզբով թվագրվող № 1 դամբարանից⁴⁴ և Դիլիջանի Կամոյի փողոցում պեղված մ. թ. ա. I հազարամյակի սկզբով թվագրվող դամբարաններից⁴⁵: Քեթիկի քրեղաններն իրենց ձևերով հար և նման են նաև հյուսիս-արևելյան Հայաստանի Բուղաբար⁴⁶ և Ցամաքաբերդի № 2 դամբարանների նյութերին⁴⁷:

Ուշագրավ է № 1 կացարանի 0—0,3 մ խորությամբ հայտնաբերված կարմիր փայլեցված մակերեսով, ներս սեղմված վերին մասով, թեթևակի դուրս թեքված և կլորացող շուրթով թասի քնկորը, որի իրանի վրա արված է ուրիշոնական ակոսագոսի (աղ. 1, նկ. 25): Սա իր ձևերով նման է Ջրաշենից⁴⁸ (մ. թ. ա. V—IV դդ.), Շահյամա II-ի № 8 շուրֆի վերին շերտից⁴⁹ (մ. թ. ա. VI—V դդ.) և Նորաշենի բերդից⁵⁰ (մ. թ. ա. VI—IV դդ.) հայտնա-

37 Т. С. Хачатрян, Древняя культура Ширака, Ереван, 1975, с. 262, рис. 161.

38 Պեղումները՝ Բ. Թորոսյանի, Օ. Խնկիկյանի, Լ. Պետրոսյանի (չհրատարակված նյութեր):

39 А. А. Мартиросян, Город Тейшебани..., с. 50, рис. 21.

40 Ս. Ա. Եսայան, Երևան քաղաքի պատմության թանգարանի հնագիտական իրերի կատալոգ, № 2, Երևան, 1969, աղ. 14, նկ. 20:

41 Է. Վ. Խանզադյան, Կ. Հ. Մկրտչյան, Է. Ս. Պարսամյան, Մեծամոր, էջ 167, նկ. 160:

42 Т. С. Хачатрян, Армянский некрополь, Ереван, 1979, с. 194 и сл.

43 Պեղումները՝ Բ. Թորոսյանի, Օ. Խնկիկյանի, Լ. Պետրոսյանի (չհրատարակված նյութեր):

44 Լ. Լ. Կարապետյան, Ա. Ն. Շահինյան, Հնագիտական հայտնագործություններ Դիլիջանում (ՀՍՍՀ ԳԱ «Տեղեկագիր» (հաս. գիտ.), 1961, № 12, էջ 69):

45 Ս. Ա. Եսայան, Հ. Ա. Հովհաննիսյան, Կատալոգ Դիլիջանի երկրագիտական թանգարանի հնագիտական իրերի, Երևան, 1969, աղ. 23:

46 С. А. Есаян, Древняя культура племен..., с. 189, табл. 131.

47 Պեղումները՝ Է. Մնացականյանի, Հայաստանի պատմության պետական թանգարան, գույք № 1922/31:

48 А. О. Минацакапаян, Г. А. Тирацян, Новые данные о материальной культуре древней Армении (ՀՍՍՀ ԳԱ «Տեղեկագիր» (հաս. գիտ.), 1961, № 8, աղ. 7, նկ. II):

49 С. А. Есаян, Древняя культура племен..., с. 31, табл. 17.

50 Նույն տեղում, էջ 75, աղ. 61:

բերվածներին և վկայում է, որ Քեթիի ամրոցում կյանքը հարատևել է մինչև վաղ հայկական ժամանակաշրջանը՝ մ. թ. ա. VI—IV դդ.:

Քեթիի կիկլոպյան ամրոցից հայտնաբերված խեցեղեն արտադրանքի մեջ մեծ թիվ են կազմում կճուճները, որոնք բաժանվում են երկու տեսակի: Առաջին տեսակին են պատկանում թուլլ սև կամ գորշ փայլեցված մակերեսով, ուռուցիկ իրանով, միջին բարձրությամբ, գլանաձև վզով, դեպի դուրս ճկված շուրթով, անզարդ և զարդարուն կճուճները, որոնք իրենց ձևով նմանվում են փոքր կարասներին (աղ. 1, նկ. 32): Այսպիսի կճուճներ են հայտնաբերվել Հայաստանի և Անդրկովկասի վաղ երկաթի ժամանակաշրջանի Արթիկի № 213, 420 և այլ դամբարաններից⁵¹, Շիրակավանի բնակատեղիից ու դամբարաններից⁵², Վարմիր բլուրի № 5 դամբարանից⁵³, Թրեխից⁵⁴, Ուլ-Թեփեից⁵⁵ և այլ հնավայրերից, Տեղին է նշել, որ Քեթիի կճուճներն իրենց վզերի բարձրությամբ հիշեցնում են նաև ուշ բրոնզի II փուլի խեցեղենին, որը դրանց ավանդական կապերի վկայությունն է: Նրկորդ տեսակին են պատկանում ավազախառն կավից պատրաստված, կոպիտ խոհանոցային կճուճների բեկորները, որոնք ունեն դուրս ճկված կամ թեքված շուրթեր (աղ. 1, նկ. 33—38): Սրանց ուսերը զարդարված են հորիզոնական ուղղագիծ, ալիքաձև գծերով և հատիկաշարերով: Հայաստանի նախնադարյան տեղաբնիկների առօրյա կենցաղում օգտագործված այս կճուճները լայնորեն տարածված լինելով ուշ բրոնզեդարյան հուշարձաններում, գրեթե անփոփոխ ձևերով հարատևել են վաղ երկաթի և նրա լայն տարածման ժամանակաշրջանում:

Խեցեղեն իրերի շարքում առկա է նաև թուլլ սև փայլեցված մակերեսով, համակենտրոն շրջաններով զարդարված խեցանոթի մի բեկոր (աղ. 1, նկ. 35), որը հետաքրքիր է իր զարդանախշերով: Համակենտրոն շրջանների տեսքով զարդանախշը ուշ բրոնզի և վաղ երկաթի ժամանակաշրջանների հուշարձաններում եզակի չէ: Այդպիսի նախշերով են զարդարված ինչպես Արթիկի II խմբին պատկանող⁵⁶, Շիրակավանի մ. թ. ա. II հազարամյակի վերջով և I հազարամյակի սկզբով թվագրվող բնակատեղիի շերտերից և դամբարաններից⁵⁷, այնպես էլ 1929 թ. Լենինականից հայտնաբերված որոշ խեցանոթներ⁵⁸, Հայաստանի այլ շրջանների հուշարձաններից համակենտրոն շրջաններով զարդարված կավամաններ են հայտնի Ռեզկին Լադերից (մ. թ. ա. IX—VIII դդ.)⁵⁹, Աստղի բլուրից (մ. թ. ա. IX—VIII դդ.)⁶⁰, Լոռի բերդից (մ. թ. ա. XI—X դդ.)⁶¹, Դարանի ամրոցի վաղ երկաթի ժամանակաշրջանով թվագրվող փոստրակից⁶² և Գորիսի շրջանի ուշ բրոնզի և վաղ երկաթի ու դրա լայն տարածման ժամանակաշրջաններին պատկանող դամբարաններից⁶³, Վրաստանում նման զարդանախշերով խեցանոթներ հայտնի են Գրմա-Գելի⁶⁴ և առա-

51 Т. С. Хачатрян, Артекский некрополь, с. 196 и сл.

52 Պեղումները՝ Բ. Բորոսյանի, Օ. Խնկիկյանի, Լ. Պետրոսյանի (չհրատարակված նյութեր):

53 А. А. Мартиросян, Город Тейшебаани..., с. 62, рис. 28 б.

54 «Тбилиси I, Археологические памятники», Тбилиси, 1978, с. 86—130.

55 А. А. Иессен, Поселение Уч-тепе («Материалы и исследования по археологии», № 125, М.—Л., 1965, с. 121, рис. 17).

56 Т. С. Хачатрян, Древняя культура Ширака..., с. 226, рис. 139.

57 Պեղումները՝ Բ. Բորոսյանի, Օ. Խնկիկյանի, Լ. Պետրոսյանի (չհրատարակված նյութեր):

58 Պեղված են Հայաստանի պատմության պետական թանգարանում, դուրս № 22/32:

59 А. А. Мартиросян, Армения в эпоху..., с. 200, рис. 78.

60 С. А. Есаян, Астхилурский могильник (ՀՄՄՀ ԳԱ «Տեղեկագիր» (հաս. գիտ.), 1968, № 6, էջ 83):

61 С. Г. Деведжян, Лори-берд, I, Ереван, 1981, табл. XIV, XVI.

62 Է. Վ. Խաչիզադյան, Էլառ-Դարանի, Երևան, 1979, աղ. 16, նկ. 15:

63 Պեղումները՝ Օ. Խնկիկյանի (չհրատարակված նյութեր):

64 Д. Коридзе, Археологические памятники Тбилиси II, Тбилиси, 1955 (на груз. яз.).

վել մեծ բանակությամբ Մելի-Գելի սրբարանից⁶⁵, որոնք թվագրվում են ուշ բրոնզի վաղ փուլով:

Նկատի ունենալով մասնագիտական գրականության մեջ վերոհիշյալ դարդատեսակի առաջացման և հարատևման վերաբերյալ գոյություն ունեցող որոշ տարակարծություններ, հարկ ենք համարում համառոտակի անդրադառնալ այդ հարցին: Այսպես, Տ. Խաչատրյանը հանգել է այն համոզման, որ զարդի այս տեսակը սկիզբ է առել ուշ բրոնզի դարում և գոյատևել է հաջորդ ժամանակաշրջաններում⁶⁶: Է. Խանզադյանն այն համարում է մ. թ. ա. XIII—VII դդ. սիրված զարդամոտիվ⁶⁷: Կ. Պիցխելաուրին գտնում է, որ Արևելյան Վրաստանում այն հանդես է գալիս մ. թ. ա. II հազարամյակի կեսերում⁶⁸, և անհետանում է մ. թ. ա. II հազարամյակի առաջին կեսի առաջին դարերում⁶⁹: Այնուհետև նա նշում է, որ տվյալ ժամանակաշրջանում, ինչպես Առաջավոր և Փոքր Ասիան, այնպես էլ Կենտրոնական Անդրկովկասը ենթարկվել են ինչ-որ անհայտ ազդեցության⁶⁹: Մեր կարծիքով, տվյալ զարդատեսակի արմատները տեղական են և դալիս են միջին բրոնզեդարյան փուլից: Սրա վկայությունն են Թրիալեթի⁷⁰ և Ալզեշատի դամբարաններից⁷¹ ու այլ հուշարձաններից հայտնաբերված սև փայլեցված կճռնների վրա արված նույնանման զարդերը, որոնք, ինչպես տեսանք, հարատևել են մինչև մ. թ. ա. I հազարամյակի կեսերը: Այս կարծիքի օգտին է խոսում նաև տվյալ զարդատեսակի հետ միևնույն ժամանակաշրջանում հանդես եկող քառանկյունաձև, ցանցկեն զարդը (Աստղի բլուր, Լոռի բերդ, Մելի-Գել), որը նույնպես գոյություն ունի Թրիալեթի № 45 դամբարանաբլուրի խեցեղենի մեջ⁷²: Այսպիսով, բերված նյութերը ցույց են տալիս, որ քննվող զարդատեսակը կոնկրետ թվագրության համար հիմք հանդիսանալ չի կարող:

Քեթիի կիկլոպան ամրոցի № 1 կացարանի հյուսիսային պատի մոտ քտնված օջախի միջից հայտնաբերված սաջերի բեկորները (աղ. 1, նկ. 39) ցածր ուղղահայաց կողերով, լայն հարթ հատակով կավաշեն իրեր են, որոնք ծառայել են հաց թխելու, հացահատիկներ բովելու նպատակին: Մեր ձեռքի տակ եղած նմուշի կողի վերին մակերեսը զարդարված է օվալաձև փոսիկներով: Սաջերի հնագույն օրինակներ հայտնի են դեռևս ուշ նեոլիթյան⁷³ և էնեոլիթյան⁷⁴ հուշարձաններից: Ամենուր դրանք հանդիպել են տնտեսական օջախների մոտ կամ դրանց մեջ: Նման սաջերի բազմաթիվ օրինակներ են հայտնաբերվել Շիրակավանի բնակատեղիի շերտերից⁷⁵, Կարմիր բլուրից⁷⁶, Մեծամորից⁷⁷, Արգիշտիի խիլից⁷⁸ և այլ հուշարձաններից:

65 К. Н. Пичхелаури, Основные проблемы истории племен Восточной Грузии, Тбилиси, 1973, табл. XXXI—XXXIII (на груз. яз.).

66 Т. С. Хачатрян, Древняя культура Ширака, с. 224.

67 Է. Վ. Խանզադյան, էլառ-Դարանի..., էջ 84:

68 К. Н. Пичхелаури, Восточная Грузия в конце бронзового века, Тбилиси, 1979, с. 94—95.

69 Նույն տեղում, էջ 95:

70 Б. А. Куфтин, Археологические раскопки в Тrialeti, Тбилиси, 1941, табл. LXIV, Э. М. Гогадзе, Периодизация и генезис курганной культуры Тrialeti, Тбилиси, 1972.

71 Պեղումները՝ Ռ. Թորոսյանի (չհրատարակված նյութեր):

72 Л. Жоржикашвили, Э. Гогадзе, Памятники Тrialeti в эпоху ранней и средней бронзы, Тбилиси, 1974, табл. 104.

73 Ս. Ն. Սարգսյան, Նախնադարյան հասարակությունը Հայաստանում, Երևան, 1967, էջ 141, աղ. 39, նկ. 1, 2:

74 Ռ. Մ. Թորոսյան, Թեղուտի վաղ երկրագործական բնակատեղին, Երևան, 1976, աղ. 5:

75 Պեղումները՝ Ռ. Թորոսյանի, Օ. Խնկիկյանի, Լ. Պետրոսյանի (չհրատարակված նյութեր):

76 Ս. Ս. Եսայան, Երևան քաղաքի պատմության թանգարանի հնագիտական իրերի կատալոգ, III, աղ. 39, նկ. 33—41:

77 Է. Խանզադյան, Կ. Սկրտչյան, Է. Պարսամյան, Մեծամոր, աղ. 21:

78 Պեղումները՝ Արգիշտիի խիլիի հնագիտական արշավախմբի (չհրատարակված նյութեր):

Այսպիսով, Քեթիի ամրոցից հայտնաբերված կոնկրետ թվագրվող և այլ նմուշների ուսումնասիրություններից հետո, որ տվյալ շերտն իր մշակույթի բնորոշ առանձնահատկություններով համապատասխանում է Հայաստանի վաղ երկաթի դարաշրջանի մշակույթին և թվագրվում է մ. թ. ա. X—IX դդ.: Մինչույն ժամանակ, այդ շերտի վերին 0—0,3 մ խորությունից հայտնաբերված թասերի բեկորները վկայում են, որ այստեղ կյանքը հարսանել է մինչև մ. թ. ա. VI—IV դդ.:

ЦИКЛОПИЧЕСКАЯ КРЕПОСТЬ с. КЕТИ

ЛЕВОН ПЕТРОСЯН

Р е з ю м е

Циклопическая крепость с. Кети находится в 2 км северо-западнее одноименного села Ахурянского района Армянской ССР, в местности «Сгнахнер». Она занимает площадь около 2 га и обнесена двухрядной стеной. Эта крепость принадлежит к числу широко распространенных на Армянском нагорье, в частности в Шираке, крепостей эпохи поздней бронзы и раннего железа.

Открытые при исследовании крепости жилища представляют собой прямоугольные, сложенные из одного или двух рядов необработанных камней помещения. В них раскопаны хозяйственные очаги, культовые уголки, идолы, орудия труда из камня и кости и многочисленные образцы керамического производства. Их изучение значительно дополняет наши знания о материальной и духовной культуре первобытных аборигенов Ширака. В результате исследования установлено, что крепость основана в X в. до н. э. и просуществовала до VI—IV вв. до н. э.